

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

cibus animæ, Johan. 6. v. 27. sicut igitur corpori morbus impendet, quando ~~egregius~~ dejeta est: Ita quoq; anima laborat, quæ fastidio verbi tenetur. Non enim solo pane vivit homo, sed in omni verbo, quod procedit de ore Dei, Matt. 4. v. 4.

Vis igitur consultum animæ tuæ, congreßus Ecclesiasticos ne deseratas, Eb. 10. v. 25. libenter audi verbum Dei, quod gaudium perfectum in cordibus nostris excitat potest, Jer. 15. v. 16. & in omnibus adversitatibus promptissimam consolationem accedit, Psal. 119. v. 92. qui enim ex Deo est, verbum Dei audire Joh. 8. v. 47.

III. *Mirabilis Cathedra*, quæ fuit navicula Petri, v. 3. Quis verò splendor hujus navis respectu templi Hierosolymitani? Procul dubio Pharisæi vocarunt nidum hæretorum, se verò Cathedram Mosis obtainere gloriati sunt, Matth. 23. v. 2. nihilominus in hac navicula vera hærebat Ecclesia. O quoties in cavernis montium, in lyvis, & privatissimis conventiculis tempore persecutionum sub Juliano, Diocletiano, Maximiliano, &c. res sacras tractarunt Christiani, & referente Tertulliano cœtus antelucanos instituerunt ad canendum Christo & Deo, in quibus tamen saepe oppressi sunt.

Noli igitur judicare de Ecclesia vera ex fortuna quam habet in hoc mundo, ut Pharisæi faciebant, Johan. 7. v. 48. sed hoc confidera, num Christus in ea habitet cum suo verbo & sacramentis, quæ vera sunt & infallibilis nota, unde veram cognoscere licet ecclesiam. Ps. 93. v. 5.

Agnoscamus verò imensum hoc Dei beneficium, quod halcyonia nobis concedit, & loca certa, ubi turo ad cultum ipsius convenire possumus, & caveamus, ne propter ingratitudinem nostram Deus gratiam suam à nobis auferat, Matth. 21. v. 43.

Describitur hæc navicula

1. *Ratione possessoris.* Nam duæ naves stabant in portu, inquit Evangelista, pisca-tores autem descenderant ex illis, & abluebant retia, sed Christus ingreditur navem Simeonis. Unde apparet, quod proprietas Dominiorum non sit contra Scripturam, ut Anabaptistæ somniant. Hoc tamen agamus, ut Christo naviculam nostram accommodemus, hoc est, pro facultate nostra bonis temporalibus, quibus nos Deus complevit, ministerium Ecclesiasticum promoveamus, & pauperum etiam curam habeamus. Hoc Christus sibi factum reputabit, Matth. 25. v. 40.

2. *Ratione Conductoris.* Nam Christus ingreditur navem illam, & orat Petrum ut parumper à terra abducatur, quo ipso summae nobis & humanitatis & æquiratis exemplum præbet contra truculentam sevitiam & tyrannidem illorum, qui pro libitu nullâ justitiâ ratione habitâ domos & agros ad se rapunt, Mich. 2. v. 2. pauperibus injuriam faciunt, Si. 27. v. 1. plebem devorant, Pl. 14. vers. 4. sed graviter illis Deus irascitur, Esa. 57. v. 17. & vae minatur, Esa. 33. vers. 1. in modo tandem aliquando ex regno suo excluderet, 1. Cor. 6. v. 10.

De Secundo.

Fuit Concio Christi navalis, sequitur *pi- scatura Petri supernaturalis*, ubi consideranda veniunt

I. *Christi preceptum.* Cum enim finem dicendi fecisset, jubet ut pisca-tores navem in altum ducant, & retia sua laxent: Sic cuilibet nostrum dicitur etiamnu:n: Duc in altum, hoc est, labora, & munere mandato diligenter perfungere. Ad labores enim conditissimus, Job. 5. vers. 7. proinde increpat

pat Apostolus graviter eos, qui ~~atantus~~
ambulant, & dicit expressè, qui non vult
laborare, non debet manducare, 2. Thess. 3.
vers. 10.

II. Petri obsequium. v. 5. ubi

1. *Querela.* Nam Magister, inquit,
totam noctem laborantes, nihil cepimus.
Hanc querelam multos adhuc hodie inge-
minare audias. Quia enim eum Petro no-
tū laborant, id est, opera tenebratum dili-
gunt, & cum maledictis sāpe ad labores ac-
cedunt, aut bonis pauperum ditescere qua-
runt, maledictionem ipsis minatur Deus in
omni labore eorum, Oſ. 8. verſ. 7. Jer. 12. v. 14.
Hagg. 1. v. 6.

2. *Cautela.* Sed in verbo tuo, pergit Pe-
trus, laxabo rete meum. Omnis benedictio
est à Christo, qui est benedictus ille, à quo
benedicimur, Gen. 12. v. 3. Luc. 1. v. 42. qui er-
gò Christum non habet, ejus labor non be-
nedictus sed maledictus est. Proinde in ver-
bo Domini laxandum erit rete nostrum, nisi
in vanum laborare velimus. Quæ phrasis
valde multa complectitur, ut sunt

1. *Legitima vocatio,* ut cor sit certum,
se propter Christum esse in gratia Dei & in
tali statu, qui Deo placeat. Qui enim in vo-
catione sua manet, ejus via recta est, Prov.
21. v. 8. Hinc Sirach cap. II. v. 23., confide
Deo, & mane in loco tuo, facile enim est in
oculis Dei, subito honestare pauperem.

2. *Seria oratio.* Nam sola Domini bene-
dictio ditar, Prov. 10. v. 22. Oremus ergo,
ut naviculam nostram gubernet, & prospe-
ris successibus labores nostros secundare
dignetur. Qui enim in propria prudentia
confidunt, & reti suo sacrificant, ut Scri-
ptura loquitur, Hab. 1. v. 16. in cassum la-
borant, Psal. 127. v. 1.

3. *Laboris continuatio.* Si vel maximè

Deus differat benedictionem, tamen non
est abjectienda fiducia, sed perendum in la-
bore. Docet enim Scriptura expectandum
esse Dominum, Hab. 2. v. 3.

4. *Finis recti collimatio*, ut quicquid a-
gimus, ad Deigloriam, Col. 3. v. 17. & pro-
ximi salutem dirigamus, 1. Thess. 4. v. 10. se-
cū si fiat, nullus ex labore fructus sequetur,
Mich. 6. v. 15.

III. Subsequens miraculum, quod de-
scribitur

1. *Ratione forme.* Nam cum hoc fe-
cissent, iacuit Evangelista, concluserunt
magnam piscium multitudinem, ita ut
rete suum rumperetur, & annuerunt sociis
suis, ut venirent sibi in auxilium. Insigne mi-
raculum!

Cogitur 1. magna piscium multitudine,
cum Petrus per totam noctem, quæ alias
piscaturæ magis accommoda esse solet, fru-
strè laborasset, 2. Rete rumpitur, & pisces
tamen in eo retinentur. 3. Naves mergun-
tur, nec tamen submerguntur. 4. Socios
advocant, quia soli tantam piscium multitu-
dinem attrahere non poterant. 5. Ambas
naves impleverunt ad submersionem us-
que, quæ omnia ad gloriam & majestatem
Christi amplificandam inserviunt, utpote
cujus nutui omnes creaturæ tam cœlestes
quam terrestres & marinæ obtemperant,
Pſ. 8. v. 9. hoc promisit Pater cœlestis Filio
suo, Pſ. 89. v. 26. ponam in mari manum
ejus, & in fluminibus dextram ejus, quod
etiam multis miraculis in diebus Carnis sue
comprobavit, Joha. 2. v. 9. ex aqua fecit vi-
num, Matth. 17. v. 27. staterem in ore pisces
format, c. 8. v. 26. tempestate maris sedat,
c. 14. v. 25. & Joh. 6. v. 19. super mare ambulat.
Hoc loco & Joha. 21. verſ. 6. magnam pitci-
um multitudinem in retia Apostolorum co-

Cc 2

git,

git, siveque re ipsa ostendit, se esse eum, in cuius manus omnia tradita sunt, Joh. 3.v.35. & qui receperit secundum H. N. dominum in creaturas, & pisces maris, quod primus Adam per lapsum amiserat, 1. Cor. 15.v.27.

2. *Ratione efficacia*, quæ triplex

1. *Petri confernatio*. Postquam enim videt miraculosam illam capturam, procedit ad genua Iesu, dicens: discede à me Domine, quia homo peccator sum, stupor enim circumdederat eum, & omnes, qui cum illo erant in captura pisces, quam coperarunt. Non quidem agit ut Gergeseni, Matt. 8.v.34. qui Christum rogant, ut ē finibus suis abeat, nec ut Capernaite, Joh. 6.v.66. qui ex fastidio ipsum deferunt, sed agnitus Christi maiestate & suā impuritate sc̄ indignum judicat Christi præsentia, ac metuit ne ob indignitatis suæ cum Christi maiestate commercium vindicta de peccatis suis sumeretur, ut par exemplum habemus in via Iudea Sareptana, 1. Reg. 17.v.8.

Discimus à Petro humilitatem, & si quid laudabile gesimus, non nostris virtibus, sed gratiæ solius Dei ascribamus, Psal. 115. vers. 1. Quid enim habemus quod non accepimus? 1. Cor. 4. vers. 7. Ah minores sumus cunctis miserationibus Domini, Gen. 32.v.10.

2. *Christi consolatio*, quæ Petrum erigit, & ne metuas, inquit, post hac homines capies, id est, per prædicationem Evangelii in magna copia ad Deum convertes. Ubi in primis memorabile est, quod ministerium Apostolorum & reliquorum Ecclesia Doctorum pescaturæ comparatur, quæ phrasis desumpta est ex Jer. 16. vers. 16. Ecce ego mittam pescatores multos, & pescabuntur eos. *Vid. Excerpt. Hom. p. 606. lib. m.m.*

In pescatura requiritur labor indefessus:

Ita & in verbo laborandum, 1. Tim. 5.v.17. 2. Tim. 4.v.5.

Labori sepe non respondet successus in pescatione, sicut hic Petrus conqueritur: ita ministri Ecclesiæ quandoque sibi frustra laborare videntur, sed pergant interim, non labor in Domino totus inanis erit, 1. Cor. 15. vers. 58.

Pisces limo se involvunt, ne capiantur, vel capti in mare resiliunt, vel etiam rete per rumpunt & evadunt: Ita homines curis & voluptatibus hujus seculi implicati non capiuntur reti Evangelico, aut si maximè capiuntur, rete per rumpunt, & ad volutabrum mundi resiliunt, 2. Pet. 2.v.20. 22.

Rete concludit pisces putres & bonos, sed in littore maris fit separatio, Matth. 13.v.47. Sic in hac vita, quod externam Ecclesiæ societatem attinet, mali bonis sunt permixti, sed in die judicii sequetur malorum à bonis separatio, Mal. 3.v.18.

Videte igitur, dilecti, ut sitis pisces boni, non lubricæ anguillæ, non lupi voraces, non pisces crustacei aut aculeati. Qui enim fallit rete Evangelii, & se capi non patitur, retia Diabolus incidet, & in æternum protrahetur exitium, 1. Tim. 6.v.9.

3. *Subsecuta reformatio*. Nam Petrus, Jacobus & Johannes subductis è mari navi-giis, & rebus omnibus relictis Christum secuti sunt. Monemur hoc exemplo, si propter Christum, exigente sic vocatione nostra, vel etiam necessitate in casu persecutio-nis urgente, facultates nostras temporales relinquere cogimur, ne murmuramus pro-prii causa adversus Deum, sed parati simus absque rerum temporalium apparatu Christum sequi, ita namque quæ reliquerimus, centuplum recipiemus, Matth. 19.v.29. qui verò hoc in casu patrem & matrem, aut etiam

etiam bona sua plus amat, non est ipso dignus, Matth. 10. v. 37.

Non tamen hic statum in pari putemus

I. *Paupertatem monasticam.* Apostoli enim habuerunt specialem vocationem ad Evangelium per universum terrarum orbem propagandum, & proinde opus erat, ut quæ in Iudæa possidebant bona, relinquerent. Tali vocatione carent hodierni monachi, qui propria deserentes aliena invadunt, ut strenue epulari, & deliciis eduliorum & vinorum opipare se farcire possint, quæ verba sunt Bernhardi, vide etiam 2. Pet. 2. vers. 13. seqq.

2. *Communionem Anabaptisticam.* Licer

enim hic Petrus & socii naves & omnia sua reliquiae dicantur, non tamen ita intelligendum est, quasi proprietatem bonorum abdicaverint, sed ad tempus tantum reliquerunt. Hinc legitur, de Petro, quod habuerit propriam navem etiam post Christi resurrectionem, Joh. 21. v. 11. de Philippo, quod habuerit propriam domum, Act. 21. v. 8. quod & de Maria legitur, Act. 12. vers. 12. habeat igitur quilibet & manducet proprium panem, 2. Thess. 3. v. 12. & de suo etiam pauperibus aliquid eroget, 1. Tim. 6. vers. 18. Deus T. O. M. operetur in nobis per Sp. suum, ut haec omnia ad usum transferamus, Amen.

Dominica VI. post Trinitatis.

Evangelium Matth. 5. v. 20. 26.

Cum Moses ex monte Sinai, in quo per 40. dies & noctes cum Deo converfatus fuerat, descenderet, & tabulas legis digito Dei scriptas portaret, ita rutilabat facies ejus, ut fugerent Israelitæ, & exactius eam non possent intueri. Quod si autem loqui volebat ad filios Israel, imposuit velamen super faciem suam, Exod. 34. v. 29.

Hoc ipsum Apostolus 2. Cor. 3. vers. 14. mysticè exponit, quod nimis per rutilantem Mosis faciem intelligenda sit perfecta justitia & interna obedientia, quam lex Mosis requirit, & terrorem excitat in mentibus hominum, quia nemo est in toto mundo, qui hanc legis perfectionem assequi possit, hinc sumus naturâ filii iræ, Eph. 2. v. 3. & sub maledictione hæremus, Gal. 3. v. 10. Deut. 27. v. 26. velamen Mosis significat ignorantiam Judæorum, qui externam tantum in

lege obedientiam, requiri statuebant, sed interim non animadvertebant, quantus splendor sub prohibitione externorum peccatorum lateat, quod videlicet prohibeantur simul occultæ eō dis concupiscentiæ, & perfecta omnium virtutum cum lege conformitas requiratur, Deut. 6. v. 5.

Hoc velum Christus removet in Evangelio præsenti, & quis sit legis verus & genuinus sensus disertis verbis explicat, juxta vaticinium Mal. 3. v. 2. 3.

Videbimus

- I. *Veræ justitiae commendationem.*
- II. *Quinti præcepti explicationem.*

J.J.

EXEGESIS.

Gehasi non poterat excitare baculo puerum demortuum, dum Eliseus ipse venit,

Cc 3

